

VIDIN-TSOLIKA MIOVAOVA

Tsy misitraka ny fihenam-bidiny ambany i Madagasikara

Fa nahoana loatra ity firenena ity no tsy mba misitraka izay tokony hahasoa azy amin'ny zava-mitranga eo amin'ny sehatra iraisam-pirenena ? Tao anatin'izao fipoiran'ny valanaretina covid-19 izao sy ny fihanahany manerantany, tany amin'ny volana janoary tamin'ity taona 2020 ity, dia nikatso ny fanatontoloana. Voadona mafy araka izany ny fifanaloana ary nitontonga izatsizy ny vidin'ny solitany. Volana maromaro no nisehoan'io fitontonganam-bidiny io, ary tany amin'ny volana jona aza, dia mbola tany ho any amin'ny manodidina ny 45 dolara ny vidiny, raha efa nahatratra tany amin'ny 60 dolara mahery ny faran'ny taona 2019. Efa nilatsaka ambany be noho io vidiny tamin'ny volana jona io aza izany-tany amin'ny volana mar-

tsa, raha ny fanadihadiana maimaika. Hatreto na dia manana solitany aza isika eto Madagasikara fa tsy mbola mamokatra be sy manondrana aloha, dia manafatra any amin'ireo firenena mpamokatra sy mpivarotra ary mpanondrana solitany. Mazava loatra, fa ny vidin'ny solitany eo amin'izay sehatra iraisam-pirenena izay no tsy maintsy arahintsika. Raha ny tena izy anefa, noho ny politika apetraka eto amin'ny firenena, dia ny fahamari-nam-bidy na « vérité de prix » eo amin'ny vidin-tsolika eny amin'ny mpainjara, no arahina. Izany hoe, tokony hisy fiantraikany eo amin'ny vidin-tsolika eo amin'ny fiainana andavanandro ny fioavan'ny vidiny eo amin'ny tsena iraisam-pirenena. Tsy izany anefa no zavamisy tao anatin'izay volana maro niainana ny

hamehana ara-pahasalamana izay sy ny fitontonganan'ny vidin-tsolitan'ny teo amin'ny sehatra iraisam-pirenena. Tsy nisy fiovana ny vidin-tsolika teto amin'ny firenena na ariary aza. Izany hoe, niàla maina ary tsy mba nisitraka ny fitontongan'ny vidin-tsolitan'ny teo amin'ny sehatra iraisam-pirenena i Madagasikara na dia nisy aza fotoana tena nitontongan'izany ambany dia ambany. Na eo aza ny fanazavana entin'ny tompon'andraikitra samihafa, fa misy ny resaka trosa amin'ireo mpamongoady sy ny vondron'ireo mpanafatra solitany eto amintsika, dia tsotra ny azo hambara, misy tsy milamina sy tsy mazava ao, ary ny vahoaka no atao fitaovana hotsentsenfina araka izay tratra. Moa tsy efa aman-taonany maro no nangoron-karena teto amin'ity

firenena ity ireo vondron'ny mpandraharaha ara-tsolika ireo miaraka amin'izay mpiray tsikom-bakomba sy petsapetsa aminy eto, koa nahoana no tsy afaka hilefitra manoloana io tokony ho tombontsoan'ny firenena izay mandalo io? Izany hoe, tsy namana ary tsy azo ianteherana ireo, fa orinasa goaibe tsy mihevitra afa-tsy hanao izay hambotriana ny vahoaka Malagasy eto fotsiny. Zioga lehibe iray mamatotra ity firenena ity izy ireo, ary antony iray lehibe maha-tonga izao fahantram-bahoaka izao. Efa hiverina hiaka-bidy ambony indray anefa ny barilan'ny solitany, dia hiàla maina isika eto Madagasikara, ny sarambambem-bahoaka foana arak'izany no hihinan'ny tadiny araka ny fitenin-jatovo.

Radafy

Barean'i Madagasikara

Hanomboka ny voalohan'ny oktobra ny fampivondronana

Hanomboka ny voalohan'ny volana Oktobra ho avy io ny fampivondronana ireo mpilalao rehetra ao amin'ny Barean'i Madagasikara, na ny ekipam-pirenena Malagasy eo amin'ny baolina kitra, araka ny namberan'ny mpanazatra, Nicolas Dupuis. Nilaza ihany koa izy, fa efa nifampiresaka tamin'ny ekipan'i Burkina-Faso ny tenenany, mba hanao lalao ara-pirahalahiana, izay hatao any Portugal ary eo am-pian-drasana ny valin-tenin'ny FMF (Federation Malagasy ny Baolina kitra) mikasika izany izy ankehitriny. Ny volana novambra ho avy izao no hiatrika lalao fifanintsanana iraisam-pirenena ny Barean'i Madagasikara, lalao hatatany any Côte d'Ivoire, ao



Fanazaran-tena teo aloha nataon'ny Barean'i Madagasikara.

aorian'izany ny lalao famerenana hatao aty Madagasikara, ary araka ny

fandaharam-potoana dia ny kianja any Barikadimy any Toamasina no han-

dray izany lalao miverina amin'ny Ivoiriana izany.

Lita

Vehivavy sitran'ny menaka manokana

Niaiky ny fahaizan'i Jessica mpanotra

Avy any Ambatondrazaka ity vehivavy ity. Manambady aman-janaka izy ary efa niteraka telo mianadahy ihany koa. Salama tsara izy hatramin'izay, fa tampoka teo dia rakotra kirifotra ny vatany, ka tsy nandihidy tsy mety mitsahatra, no mivoa-drà mihitsy aza. Tsy vitan'izany fa manonofy ratsy foana izy isak'alina. Efa nanatona mpitsabo, dokotera samihafa fa tsy nety nitanonana mihitsy ny fanaintainana. Lany ny vola, ny aina reraka ary tsy na-

hinan-kanina intsony ny farany. Tamin'ny gazety no nahitan'ity vehivavy ity ny nomeraon'i Jessica 03387 395 41, ka ny am-pitso ihany dia tonga teny aminy ity vehivavy ity. Vao nojeran'ity mpitsabo ity anefa dia izao no namberany taminy : nandro tamin'ny rano fady ianao, hoyizy, ka tsy maintsy misy fikarakarana manokana atao aminao vao hiverina ny fahasalamanao. Teo no ho eo ihany dia nampandroin'ity mpitsabo ity tamin'ny rano manokana

ilay vehivavy ary mbola nampitondrainy ho sotroina ihany koa. Saika safotra mihitsy moa ity vehivavy ity tamin'ny voalohan'ny satria toy ny misy setroka mivoaka izany taminy. Avy eo vao nahazo aina izy ary teo noho eo ihany dia nihena ny fanaintainana. Vao niverina izy afaka telo andro dia afaka tanteraka ilay kirifotra taminy. Saika maty aho hoy izy raha tsy nanatona teny amin'ity mpitsabo ity satria raha mbola nijanona tany Ambaton-

drakana aho dia tsy fantatra intsony izay nahazo ahy. Nijoro vavolombelona ity vehivavy ity, fa sambany teo amin'ny fiainany no nahenoany olona marary, ka sitran'ny rano manokana. Mandehana mamony ny Mandrosoa lvato hoy izy raha sendra manana olona samihafa, fa afaka mamaha ny olona samihafa io mpitsabo io, ary manasitrana aretina samihafa ihany koa.

Namana

Polisy Analamahitsy

Nanampy mpiteraka 3 mianaka nandeha tongotra tamin'ny alina

Nanao asa soa indray ny polisy ao amin'ny Kaomisaria ny polisy eny Analamahitsy, nanampy mpiteraka 3 mianaka nandeha an-tongotra tamin'ny alina. Ny andro alina, izy 03 mianaka voatery nandeha an-tongotra narakana tamin'ny entana hijery toeram-pitsaboana hitarahana

noho ny tsy fisian'ny fiara. Ny taxi mba nafarany haka tsy tonga, ka niezaka nanakana fiara izy ireo mba hitondra azy saingy tsy nisy nijanona, ka nanohy mianaka tamin'ny dia an-tongotra ireto farany. Tamin'ny 11 ora 30 alina no nifanena tamin'ny Polisy nanao fisafoana teny Soavimasandro izy 03 mianaka ary nitantara ny antony hivoahany amin'ny andro alina. Tsy niasalasa ireo Polisy nanampy azy ireo ary nitondra sy nitady toeram-pitsaboana no sady nanatitra azy ireo teny amin'ilay toerana tokony hiterahan'ilay vehivavy. Salama tsara ilay vehivavy nitondra vohoka rehefa tonga teny amin'ilay toeram-pitsaboana nametrahany ny Polisy azy ireo tetsy Amboditsiry.

Stefa



Ilay vehivavy bevohoka (afovoany), nampian'ny polisy handeha hiteraka tamin'ny andro alina.

Taratasin'ny mpamaky

Fanehoan-kevitra ampitaina amin'ny gazety izao manaraka izao : henjana ty fiainana ty Rafanja a! Ozy président we: findramam-bola ao @ Cnaps tsy misy zana-bola nefa 10%isam-bolana no alaina @ karama mandritra ny 12 volana, IZANY HOE : zana-bola ny 2 volana farany.

Ozy président we: izay manana trosa any @ banky tsy mandoa mandritra ny fotoanan'ny hamehana ara-pahasalamana, nefa aloan'ny vahoaka ny zana-bola mandritra io fotoan io, izany hoe mitombo ny trosa alohan'ny vahoaka any @ banky.

Ozy président we: azo aloa tsikelikely ny vidin-jiro nandritra ny fotoana ny hamehana ara-pahasalamana, nefa nitombo avo telo heny ny facture tonga ety @ vahoaka madinika.

Mafy tena mafy ny mahazo ny vahoaka Malagasy, aiza ny vahaolana ooo??? Rehefa tsy mahita vahaolana ity fitondrana Rajoelina ity dia tokony hametra-pialana. Mila olona mihaino sy mamaha ny olany ny vahoaka Malagasy tena sahirana ankehitriny.

**Haingonirina Andrianasolo
Mpamaky gazety Ny Valosoa Vaovao**

PRIERE AU SACRÉ CŒUR



Que le Sacré Cœur de Jésus soit loué, adoré et glorifié à travers le monde pour des siècles et des siècles, Amen.

Dites cette prière 6 fois/ jour pendant 9 jours et vos prières seront exaucées même si cela semble impossible. N'oubliez pas de remercier le Sacré Cœur avec promesse de publication quand la faveur sera obtenue. Remerciements au Sacré Cœur pour faveurs obtenues.

Sariaka A.